

سرحه وترويحہ (بالعامية الفلسطينية)

وانا صغير وداني أبوي - الله يرحمه - أحرث هالوطيات،
وقلّي ظايل عليّ إقطانين، خلّصهم وروّح، لاني بدّي أخطر على رام
الله مشان أحسم عود الحراث العتيق.

سحبت حالي وسرحت، وفي الطريق بكت نتقة عالية، نط
الجحش وقعت العدة عن الحلس، بميت اموالاه تني إعرفت أحملّ
على الجحش، وبعد ما وصلت الوطيات بكت الشمس صارت اتلعلع،
رمّيت أول تلم تلمين انكسرت النّيارة، شلفكتها وكملت الحراث،
وانا قاعد بقحوش في الزرية، الا القرديانة مكسورة...وقلت
لحالي...والله ما ظل عليّ لوم... زمّيت حالي وينك يا
الدار...كندشت على ظهر الجحش، وشفت حالي أمير... بس يا
فرحة ما تمت...ما وصلت عالدار الا هي أمي -الله يرحمها -
امخلصة ميه... وقظيتهظاك اليوم امناقلت ميه عن
العين...ياخوك أصير أعرم كل ما شيّلت المية على راس مره والا
صبيية.

ما عرفت أناام وانا بفكر في حكي البنت الي كانت حاطه على
راسها شكله ملونه...يا كشلي لمن قلتلي: يسلمن إيديك وعينيك
يا ربي.